

栖碧先生黃楊集

黃楊集下卷目錄

五言律詩

初夏

晚眺

苦雨寄友

甲子晴

風棚

次韻陳子貞坐呂家池

過保安寺

清坐

留常州

早行

客樓夜雨

芸齋

踈雨

陪陳子平并諸弟飲

陪丘彥啓飲

題王原吉蘿月山房

寄子平

午日

宿獨墅

寄張飛卿

梅林遇呂志學

示姪永

登鹿頂山

宿蠡口

良沃田和尚以無居爲憂戲贈解之

過同里法喜寺

聞諸弟爭田作詩以勸

舟次東郭

次韻答唐山長

次韻陸子善

次韻答繆生

耳聾

奉題東湖泛月詩卷

訪高啓文

養浩齋爲陶彥弘賦

瓶中榴花

秋江送別圖

任月山畫馬

泊陳湖

寄天游

寄金文壽陶彥承二首

養浩齋雜詠

黃楊

錦葵

鷄冠

雁來紅

芭蕉

簞竹

題畊隱卷

中秋憶大兒完韓

五言排律

伯父歸自軍前親戚讌集得厠坐末喜呈
三十韻兼簡臧安禮姜君澤

登常州玄妙觀新閣十四韻

秋旱二十韻

上伯父壽二十四韻

題王仲和瑞橙軒十二韻

題漁樵友詩卷十二韻

次韻文壽詠雪二十八韻

七言絕句

朱高士召鶴

洞酌亭

題周子羽詩藁後

題扇付聰子

七夕薄陰有感

舟行遇雪寄惟中二首

題龔翠岩江山圖

題碧梧美人圖

寄曲林

畫竹

題梨花錦鳩

七夕

題桃花十二紅圖

春日偶成二首

四月八日入市訪王敬之赴西歸會不遇

訪張師浩

送師浩歸雲間

桃源圖

晚過曹湖寄楊孟二處士三首

聞歸雁有懷二首 秋林隱士圖

和陶彥承清明微雨三首

題王晉卿畫 爲吳道子題雲林畫

碧潭和尚飛瀑圖 紅葉圖

恢上人墨梅 郊行

次韻題雲林畫 題雲林山水竹石二首

王仲彰南園摘梅子

睡起

次韻答施子善見寄

次韻曲水春雪三首

采蓮曲

五言絕句

枕上聞鶴

同舍弟夜飲

懷師浩

次韻題畫

題畫戴勝

巢由圖

江南曲

次韻答子善見寄二首

西林避暑七首

題畫

下卷目錄

栖碧先生黃楊集卷下

律詩五言

立歌
下十

初夏

山中當四月。在在綠陰多。有地皆松竹。無家不
薜蘿。江雲隨去鳥。沙雨亂新鷺。滿目幽居意。寧
容俗駕過。

七五
下十

晚眺

步屨尋幽逕。牽衣上遠岡。竹孫隨意綠。梅子及
時黃。水經多雲氣。柴扉半夕陽。低徊從野老。拂

石共清涼

苦雨寄友

山雨斷仍續。江雲濕未開。已看門巷晚。不見杖藜來。六月衣猶袷。中庭地亦苔。無人話情素。竚立久徘徊。

甲子晴

最怕春來雨。還逢甲子晴。生成歸地力。畊壟快人情。逕草侵衣滑。江雲卷幔輕。田頭看午饁。言笑兩相迎。

風棚

百尺虛結構。松風起四簷。遂令秋滿屋。何用畫
垂簾。蔽日雲長在。當窓雨不霑。翛然無限意。叢
竹淨相兼。

次韻陳子貞坐呂家池

積水疑無底。清風不過牆。敲門寧避數。步履暫
分涼。雜樹陰陰密。新篁箇箇長。自來稽阮癖。此
地嬾衣裳。

過保安寺

保安南郭寺。野色淨相連。古屋依松檜。空門隔市廛。梵音脩竹裏。燈影暮鍾前。欲借山房宿。其如不語禪。

清坐

驅馳欣暫息。清坐感餘春。細雨偏宜草。疎簾不隔塵。山禽時引子。庭鶴晚隨人。幾負林泉約。空嗟頭上巾。

留常州

繫馬荒城下。西風落日遲。黃茆深市屋。白髮異

鄉兒有地成新隴。無人說舊時。如何終夜角。解送百年悲。

十卷
十平早行

早發東門外。晨光隔海升。背岩唯見雪。急水不成冰。快馬衝寒去。孤舟逆浪乘。道途隨所值。夷險兩難仍。

十卷
十平客樓夜雨

城郭易爲熱。江雲起不難。電光生夜白。雨氣入樓寒。書葉仍防潤。燈花不耐看。祇緣聽亦慣。竟

夕睡偏安。

芸齋

屋後有餘地。窓前多種芸。初春一夜雨。新綠滿
簾雲。淨色從書亂。生香與竹分。此時清坐處。應
不數蘭薰。

疎雨

秋稻將成日。河流欲斷時。渴心焦似火。雨脚細
如絲。野蔓微沾潤。田車正喔咿。何當瀉銀漢。滂
沛洗創痍。

陪陳子平并諸弟飲

一別已踰月。相逢說亂離。青氈仍復舊。白髮不勝悲。呼酒休辭醉。歸航且自遲。襟期清夜酌。欣覩太平時。

陪丘彥啓飲

初冬愁遠別。歲晚遇君歡。爲說移家苦。方驚會面難。舊醅存臘釀。時饌接春盤。行紀關離合。新詩反覆看。

題王原吉羅月山房

聞說幽棲處。空庭長薜蘿。曉看雲掩冉。夜舞月婆娑。涼入絺衣細。清歸甕牖多。幾時分半席。與子共吟哦。

寄子平

豈料鬱攸變。弟兄星散居。遂疎親近日。徒寄別離書。燕。楊。春。風。滿。螢。窓。夜。月。虛。何時仍共席。懷抱爲君舒。

午日

今日逢重午。他鄉歎轉蓬。無家追令節。有淚洒

長空野艾傷心綠。江榴刺眼紅。群雛包角黍。聊足慰衰翁。

宿獨墅

獨墅三更月。孤舟萬慮人。東行聊慰意。北望總傷神。水闊烽煙遠。秋高稔黍新。尚憐魚菜美。庶以奉吾親。

寄張飛卿

感激張徵士。荒村慰寂寥。攜壺銷永日。對榻語終宵。祇恨相逢少。寧辭徒步遙。一從君去後。門

外草齊腰。

梅林遇呂志學

故里蒼茫外。斯文邂逅中。村墟情眷眷。舟楫語
匆匆。握手難爲別。知心悵望同。更憐相憶處。吟
斷柳絲風。

示姪永永卽觀也

白髮嗟吾老。紅顏喜汝長。江城留信宿。懷抱慙
淒涼。剪燭聽春雨。傳杯憶故鄉。及時行孝弟。年
少戒垂堂。

登鹿頂山

雨細春泥軟。山高客興孤。振衣臨絕頂。拊掌望
平湖。塵霧遙迷楚。煙花直過吳。乾坤萬里闊。不
泣阮生途。

宿蠡口

春風吹短棹。迤邐望歸程。刁斗溪邊戍。旌旗野
外營。市橋人迹少。官路馬蹄輕。欲向東湖去。邊
烽永夜明。

良沃田以無居爲憂戲贈解之

本是孤飛鶴。飄飄何所拘。已應忘我相。猶復愛
吾廬。一葦堪浮海。千岩足宴居。况留衣鉢在。着
處是真如。

過同里法喜寺

九里湖邊寺。參差樓閣重。空林初落月。深殿已
聞鐘。門掩溪流靜。橋分野色濃。暫來生逸興。無
計削塵蹤。

聞諸弟爭田作詩以勸

吾族凋零久。亂離餘幾人。不才真可棄。於誼固

須親煮豈情何切。搗身苦自嗔。勗哉千古意。天地尚迴春。

舟次東郭

急雨催春暮。移舟值晚晴。野花紅半落。汀草綠初生。茅屋家家小。溪流岸岸平。桃源如在眼。佳擬託謀生。

次韻荅唐山長

從游兵燹後。吟眺總傷神。本是清修士。翻爲汗漫人。時危官獨冷。道裕物皆春。不用嗟離別。終

期王翰鄰

次韻陸子善

苦憶陸夫子。從游琴水涯。依依欣有託。戀戀惜
無家。交友論三益。看書過五車。何時肯相顧。共
語白鷗沙。

次韻荅繆生

淮海相逢日。梅花白雪前。笑談珠落唾。懷抱玉
生煙。酌酒春風外。圍棋夜雨邊。別來無限意。西
望思悠然。

耳聾

六十白頭翁。年來恠耳聾。卧驚雷殷枕。坐覺樹
多風。苦厭鳴千籟。空歌達四聰。客來陪笑語。俛
首問兒童。

奉題東湖泛月詩卷

浩月澄秋水。涼風散夕陰。庾樓移席迥。袁渚汎
舟深。海鶴千年夢。山河萬古心。一時清興集。俛
仰昔猶今。

訪高啓文

移棹尋蘭若。敲門謁故人。空林初入夜。虛室藹
生春。玉粒炊香軟。金螯簇饌新。未應真掃迹。來
往莫嫌頻。

八
五
養浩齋爲陶彥弘賦

弘也何充擴。軒題養浩名。本無功利念。能達聖
賢情。玉樹春暉煖。冰壺霽月明。慎言毋失餒。萬
彙自生成。

六
下
瓶中榴花

爲愛紅榴好。折來三兩葩。蹙巾渾似火。映目爛

成霞半插膽瓶淺。微涵硯沼斜。晚窗吟絕處。錯認是丹砂。

秋江送別圖

送客滄江曲。其如別意何。疎林秋日澹。遠岫暮雲多。盡醉離亭酒。無煩鼓棹歌。相思明月夜。浩蕩隔煙波。

任月山畫馬

天馬從龍去。空遺粉墨看。披雲五花白。蹴雪四蹄寒。逸氣何深穩。良材有急難。苦心任水監。直

欲比曹韓

三秋
下 泊陳湖

繫纜陳湖口。茆簷野趣多。薔薇紅炫日。楊柳綠涵波。漁網依時集。農田着處歌。地偏苛政少。其樂更如何。

二真
下 寄天游

江漢秋風起。鄉山入夢頻。乍驚烏繞樹。又覩鴈來賓。笑詠嗤狂老。飄零憶故人。不知忙底事。一別動兼旬。

寄金文壽陶彥承 三首

危坐看脩竹。孤吟每憶君。暫時來一見。經月去無聞。碧水鷗同侶。青霄鶴異群。臨風頻引領。情逐渡江雲。

安穩金夫子。諸生苦琢磨。江鄉秋暑少。燈火夜涼多。浩氣衝牛斗。幽懷入薜蘿。草堂棋局靜。乘興卽相過。

寄語陶徵士。新詩久不來。夢魂徒自想。懷抱共誰開。李杜雲霄志。陰何綺麗才。幾時同嘯咏。爲

我籊高萊。十延

養浩齋雜詠

黃楊

只尺黃楊樹。婆娑枝幹重。葉深團翡翠。根古踞虬龍。歲歷風霜久。時霑雨露濃。未應逢閨厄。堅質比寒松。

錦葵

莫道戎葵小。花開亦可憐。層層霞散彩。箇箇錦爲鈿。不上金釵側。常依綺戶邊。化工同刺繡。無

有一毫偏。

八度
下平

鷄冠

五德文爲貴。幽芳浪得名。絳葩冠幘重。綠葉羽
毛輕。向日將飛舞。昂風若鬪爭。曉窓殘月下。三
唱寂無聲。

六麻
下平

鴈來紅

百草將衰歇。爛班葉似花。數聲雲過鴈。一片錦
成霞。翠羽粘猩血。丹砂煉日華。還將九秋色。附
足遍天涯。

六魚
上平

芭蕉

可愛芭蕉葉。初抽卷碧書。乍驚風掩冉。徐聽雨
蕭疎。綺席陰移晚。湘簾色映虛。客來題錦字。莫
待曉霜餘。

十二侵
下平

鼓竹

移得渭川竹。栽爲屋外林。未成三徑杳。已作半
溪陰。倚月疑鸞舞。聆風想鳳吟。試看春雨後。滿
地玉森森。

十二侵
下平

題畊隱卷

屏迹躬南畝。慇懃爲養親。行歌農耒晚。歸舞綵
衣春。菌閣青山近。柴門綠水新。玄纁不肯就。甘
作太平民。

中秋憶大子完韓

對月憐衰影。憂兒滯遠方。淚懸千里目。情結九
回腸。綠髮愁應改。紅顏夢不忘。幾時攜綵袖。相
與話淒涼。

排律

伯父歸自軍前親戚讌集得厠坐末喜呈

三十韻無簡減安禮姜君澤

伯父吾宗長。年華近七旬。鬚鬢渾似雪。顏面祗如春。行輩尊耆壽。鄉閭慕善人。曾承丹闕詔。臥護涿州民。陶令空資秫。張公竟憶蓴。杜門惟養拙。甘分不憂貧。靜適琴書趣。幽棲水竹濱。園池無獨樂。鷗鳥亦相親。自是仁風厚。能令俗化淳。功名非昨夢。利祿豈謀身。盜賊縱橫起。軍需晝夜頻。江南餘尺地。日給動千緡。戰伐求英畧。驅馳及老臣。舳艫驚險惡。驛騎走嶙峋。行路多生

棘悲風轉暗塵。力能忘倦苦。心敢憚酸辛。直謁
元戎語。徐將利器陳。日星爭閃爍。士卒倍精神。
便領千金諾。何煩五令申。告辭爭贈策。失喜問
通津。水落吳山近。煙消楚樹新。鳴珂還故里。伐
鼓宴嘉賓。相術囊中藥。儒冠席上珍。粉榆聯舊
戚。冰玉儷佳姻。義篤憐猶子。恩加異等倫。狂吟
從坦率。爛飲盡清醇。舞袖齊誇妙。行杯不計巡。
與豪酬酢快。情洽笑歌勻。昔別憂何切。茲歡志
可伸。竹林容小阮。獻壽祝靈椿。

登常州玄妙觀新閣十四韻

飛閣煙霞表。空簷鸛鶴音。天垂雲縹緲。日薄氣
蕭森。暫豁幽人眼。翻憂曠士心。官河環委帶。戍
壘矗嶽岑。蒸土門成鏡。崇臺埒映金。睢陽空飲
血。垓帳竟霑襟。霸畧知何在。淒涼感至今。丘園
餘瓦礫。阡陌蔽煙林。午市人纔合。春堤草自深。
杜陵多逸興。王粲惜登臨。水闊今朝雨。雲收向
晚岑。野花紅冉冉。汀樹綠陰陰。萬物欣生意。孤
懷寄短吟。莫言行役苦。容易二毛侵。

秋旱二十韻

江南禾黍地。秋旱最傷農。辛苦無餘日。收藏待
禦冬。連城期歲稔。八月值年凶。乾穗含風弱。枯
根憶雨濃。黃埃飛厚土。赤日暍危峯。水落三千
丈。天高一萬重。虹蜺空散彩。雷電杳無蹤。車水
兒爭鋪。箋天筴扣鐘。溪行忘揭厲。井汲驚奔衝。
衆舉豚壺祝。神徼土梗封。衆林虛亳祀。雩祭邈
周宗。置社心徒切。鞭巫事豈恭。憑誰驅旱魃。著
處起潛龍。盡卷滄溟瀉。翻聆大壑淙。清涼來冉

冉。炎赫掃燼燼。倚杖看雲穠。停歌聽野春。黃鷄
烹。綠蟻釀醇醲。淨洗鸕鷀杓。徐澆芥蒂胃。
海隅清盜賊。官賦薄租庸。遐邇歡相慶。豐登歲
屢逢。

上伯父壽八十四韻

鳳曆新頒歲。椒盤已頌春。昌年垂八十。南極現
星辰。浩浩三陽泰。穰穰五福臻。酡顏溫似玉。華
髮皓如銀。矍鑠商山老。優游太古民。體胖知德
裕。心樂見天真。宗族親無間。鄉閭化以淳。深期

甘晚節。寧爲避風塵。故里隳前業。他鄉託隱淪。
吳花供滌灑。燕玉煖精神。耆壽熙仁者。皇天相
吉人。彩雲飛旅幕。瑞靄達芳祖。香滿蟠桃熟。窓
明列炬新。綺羅紛後擁。絲管雜前陳。曲引陽春
調。盤移瑞味珍。蘭蓀聯砌玉。簪芾會嘉賓。蔓衍
枌榆密。光華棣萼勻。滿堂春藹藹。列坐話閭閻。
匍匐憐衰姪。蹉跎迨六旬。幼從詩禮訓。老視杖
藜頻。眷顧情何厚。艱危意轉親。寸心寧敢忘。百
拜豈辭辛。願覩銷兵甲。歸歌洽社隣。矢言從此

會千載倚莊椿

七
度

題王仲和瑞橙軒十二韻

庭下襄橙樹。吳中第一株。覆簷如偃蓋。垂實訝
懸壺。雨露恩殊重。風霜色更腴。金苞承綠縹。翠
羽合驪珠。磊落星相似。光輝月不孤。香濃柑作
使。價重橘爲奴。自是栽培得。緣從造化扶。摘鮮
那敢侮。呈瑞豈云誣。華采瞻林表。芳名揭座隅。
百年同愛惜。終日自怡愉。上客爭先賞。衰翁愧
後趨。纍纍看歲晚。滋味軼醍醐。

題漁樵友詩卷十二韻

愛汝漁樵友。殷勤爲養親。躡雲分玉筍。釣水出金鱗。磅礴九峯晚。徘徊三泖春。扣絃歌款乃。穿石步逡巡。松葉迷行逕。桃花引去津。衣霑空翠滑。棹激浪珠新。富貴非吾願。行藏任我真。客星元有象。棋局漫通神。東海投竿遠。高堂噬指頻。承顏湏盡禮。養志勿憂貧。已見承平日。還瞻孝弟民。安豐行義子。千載得芳隣。

次韻文壽詠雪

朔風吹地白。稷雪遍空飛。急洒兼寒雨。輕颺帶
夕霏。密封栖鳥樹。乾沒釣魚磯。沃壤蝗消孽。空
山獸歛威。盈盈欺越女。浩浩失湘妃。乍掩梅腮
瘦。深培麥本肥。巧嬾花造次。峻却柳依稀。鶴擎
仙仍去。漁舟載獨歸。黃埋橘顆重。青壓菜芽微。
遠水明相接。懸崖險益巍。松擎欹絕壁。竹折覆
迴碕。塞澗泉流澀。侵堦草變菲。烏啼無奈冷。雀
啄豈充饑。積厚低茅屋。穿斜透棘扉。樵夫愁躡
屐。閨婦念征衣。脫兔從何顧。隙駒若爲韉。歡聲

興野頌瑞色。動皇闈。東閣才人筆。工停織女機。
滌炎勞夏想。佳兆卜春祈。映讀宜窓牖。潛聽旁
枕幃。鴟蹲鵬鷲困。蜎縮馬牛腓。綺席爭清賞。華
堂耿素輝。烹茶便軟語。授簡發高揮。金縷低聲
按。瑤姬夾坐依。自然春滿室。何用燭成圍。以醉
酬佳景。奚煩怨落暉。莫愁雲久翳。殊喜日初晞。
天地分清濁。江山別是非。時晴真可快。心領勿
相違。衰老慙疎拙。長吟免詭譏。

絕句七言

朱高士召鶴

梵氣氤氲結寶臺。玉皇宮闕五雲開。步虛聲裏
天香滿。報道仙人喚鶴來。

洞酌亭

洞酌亭前井冽寒。碧潭澄澈幾曾乾。山中連日
多風雨。盡道蛟龍上玉壇。

題周子羽詩葉後

楮葉三年刻未成。獨慙郢斲思逾精。渾渾澗底
春泉急。不似秋蟲入夜鳴。

五

七夕薄陰悼亡有感

七香車子憶相過。天上人間事若何。牛女似憐
懷抱惡。却將雲霧蔽明河。

題扇付聰子

庭前桂樹綠參差。八月秋高花滿枝。要使流芳
千百世。少年須學竇家兒。

九

舟行遇雪寄惟中

春風吹雪舞婆娑。愁坐孤舟思若何。一笑青山
俱老矣。不知短髮白尤多。

飛雪敲篷響夜深。擁衾無寐自長吟。曉來忽作
梅花夢。雪壓重林無處尋。十二

題龔翠岩江山圖

山雲白白樹青青。正是江南第一程。却憶西津
舊時路。黃沙漲滿少人行。十三

天下江山北固樓。少年攜酒憶曾遊。風塵浩蕩
看圖畫。湖海飄零恨白頭。十四

題碧梧美人

晚涼新著絳綃衣。月淡香階步玉遲。却怕姮娥

妬顏色。鳳皇枝下立多時。

寄曲林

湖上春風也太顛。燈前愁殺泛湖船。不知何處聽春雨。還憶草堂人未眠。

畫竹

挺挺琅玕玉澗邊。半含春雨半含煙。恁來筆底清如許。老子胸中有渭川。

題梨花錦鳩

煖雲閣雨近清明。一樹梨花剪玉英。紫陌正堪

同拾翠。莫教枝上錦鳩鳴。

七夕

年年織女嫁牽牛。天上人間幾度秋。離別恨多歡會少。可應不白少年頭。

題桃花十二紅圖

枝上棲禽五色毛。睡酣花氣日初高。江南一覺繁華夢。滿地荆綦叫百勞。

春日偶成二絕

城頭楊柳綠如雲。城下官河水拍春。一片江山

元不改。盡船都是異鄉人。

船頭細雨濕漁簑。船尾桃花漾碧波。借問東君知得否。江南春色已無多。

四月八日入市訪黃敬之赴西歸會不遇
聞君念佛東城下。直道西歸別有天。若是遠師能許飲。老夫也結白蓮緣。

訪張師浩

瑯琊涇上日初沉。觸熱維舟趁晚陰。料得山頭張處士。一天風露自長吟。

送師浩歸雲間

孝廉舟楫喜相過。別意匆匆柰若何。不爲尊鱸
歸去急。吳松江上故人多。

桃源圖

流水桃花世外春。漁郎曾此得通津。當年只記
秦猶在。不道山河又屬人。

晚過曹湖寄楊孟二處士

秋天澹澹水泠泠。十里湖光鏡面平。紅日近山
霞縹緲。扁舟如在畫中行。

歌聲迤邐灤西村。燈火人家半掩門。却憶溪南
孟夫子。新詩吟罷共誰論。上元

浮雲過盡月生光。野迳依微認草堂。獨倚拖樓
情思惡。不知風露濕衣裳。上元

聞歸鴈有懷

蕭蕭秋雨從南去。拍拍春風望北飛。憶殺天涯
萬里客。何年得與爾同歸。上元

年年歸去暮春前。遷客渾無一字傳。叫破碧雲
相借問。可曾飛到瘴江邊。上元

十二段

秋林隱士圖

岩扃半掩白雲深。木葉蕭蕭秋滿林。便欲操舟過溪去。一窓明月聽彈琴。

和陶彥承清明微雨

花落林臯水拍溪。隔花臨水聽黃鸝。妖紅膩綠都狼籍。老眼從渠霧雨迷。

風花煙草藹春暉。陌上遊人緩緩歸。獨有高堂老萊子。低垂簾幙舞斑衣。

五段

江雨冥冥江水長。江風吹送百花香。美人不見

生愁思。安得花前醉一觴。

題王晉卿畫

公子何年寫翠微。江南耆老憶題詩。風流文采俱零落。水綠山青似昔時。

爲吳子道題雲林畫

萬里乾坤一草亭。吳山相對越山青。祗憐脩竹最深處。佳客長留醉不醒。

碧潭和尚飛瀑圖

春來曾謁贊公房。禪榻雲深鬱妙香。三伏炎蒸

見圖畫石泉飛雪洒清涼

紅葉圖

鴛鴦瓦冷不禁秋。採葉題詩出御溝。一點靈犀
天地隔。慇懃隨水向誰流。

恢上人墨梅

冰姿玉質本天真。幻化移來物外春。可是道人
嫌太潔。從教素服染緇塵。

郊行

野花灼灼柳依依。燕子銜泥不住飛。堪笑白頭

迂闊叟故園春盡未能歸

次韻雲林畫

山光澹澹樹陰陰。溪水湯湯漱玉琴。此境不知何處有。清風吹起鹿門心。

雲林畫山水竹石

秋雲無影樹無聲。湛湛長江鏡面平。遠岫煙銷明月上。小亭危坐看潮生。

窓前梧竹倚高標。簾底龍香不住燒。記得醉眠清閨閣。一庭春雨晚蕭蕭。

王仲彰南園摘梅子

步屨南園不憚遙。枝頭梅子大於瓢。主人莫怪頻來摘。長日思君渴未消。

睡起

梅子將黃杏子肥。綠陰門巷客來稀。南窓一枕睡初覺。蝴蝶滿園如雪飛。

次韻答施子善見寄

冬至陽生氣候新。天涯遊子夢歸頻。江梅若解知人意。爲報故園將是春。

次韻曲林春雪

笙歌擁醉却春寒。坐看瑤姬舞素鸞。何似袁安
守清節。閉門高卧不相干。

千崑萬壑玉嵯峩。大地平鋪白錦茵。自是春來
多瑞氣。謳謠且作太平民。

賸喜漫天飛玉蝶。不嫌幽谷阻黃鶯。夜深錯認
催花雨。夢覺驚聞折竹聲。

采蓮曲

紅藕花開夏亦春。采蓮女貌一般新。畫船撐入

花深處。只聽歌聲不見人。

絕句五言

枕上聞鶴

桐葉露初冷。藕花風暫休。夜涼人不寐。白鶴一聲秋。

同舍弟夜飲

自是聯行鴈。分飛避網羅。歸來同夜月。棲息意如何。

懷師浩

我愛張夫子。閒居遠市塵。草堂元近水。還結白鷗隣。

七陽
下平

次韻題畫

海石涵秋水。風篁生晚涼。孤蓬初歇雨。和月度瀟湘。

題畫戴勝

山鳥隔花鳴。桑麻日長成。如何荆棘上。寂寞不聞聲。

仄聲

巢由圖

聞讓洗其耳。擇流飲其犢。如何跼之徒。貪心恒不足。

江南曲

郎上渡江船。妾倚江邊樹。空挽柳絲長。繫郎船不住。

慇懃折春花。送別江南道。問郎何時歸。春花弗長好。

二十枝

次韻答施子善見寄

世事忽云變。故人消息稀。尺書天外落。老眼發

光輝

玉微上平

憶昔茗溪上。分携歲月深。山青雲白處。惟有夢
相尋。

西林避暑

秋後轉多熱。茅簷氣鬱蒸。清涼生肺腑。渴飲玉
壺冰。

十蒸下平

雨過青山潤。風生綠竹清。脫巾盤薄坐。蕭散有
餘情。

咿喔鄰鷄叫。間關野鳥啼。嗒然群響寂。坐到夕

陽西

密樹柴門靜。環溪草徑斜。護牆烏栗外。紅槿數
株花。

靜坐聞啼鳥。垂竿可釣魚。蒲葵不用搦。竹影自
扶疎。

一雨洗炎熱。清陰生竹枝。飄蕭蒼雪舞。白苧散
涼颼。

路轉橋分野。溪鳴水驟灣。林幽無限意。俗事不
相關。

天韻

題畫

霜柯起涼飈。苔石帶寒雨。一片林壑姿。翛然不知暑。

栖碧先生黃楊集卷下

黃楊集補遺目錄

五言古詩

甲午春寓延陵送從弟侑赴京師

題陸某寄元暉詩畫

答元暉夜坐見寄
和卜判官除草詩韻

次金別駕韻
立秋日啓文過訪

次朱子新韻
題秋溪釣隱圖

七言古詩

和曲林韻呈江掾
喜雨謹寄陶彥承

和文壽看木香花有感

褰竹軒歌爲周莊吳達子道賦

茶蘼歌

和文壽見寄

五言律詩

宿怡神道院

喜仲肅兄弟過訪

宿洞虛宮童鍊師房

至正庚子二月十日舟中作

寄維久秀才

和元翬韻

久雨

答陶景文

七夕戲爲子平先生悼亡

和雲林題畫

七言律詩

白牡丹

過毘陵敬公留飲瑣翠亭兼簡陶師晉

寓延陵陳廣文景鍾日相慰勞作詩以謝
聞陶師晉過梅里亟歸相候仙舟已往興
寧以詩追之

自延陵歸適鈕彥功惠貺多品以詩謝之

過金園寺次丁彥誠韻簡茂上人楊文可

斑竹簾

題梅莊圖

寄童煉師二首

寄題慶日軒

送陶元庸之越

題謝氏友竹軒

題湖山小隱

寄明長老東白

寄飛卿

寄陶德和

寄季克姪

春雪和韻

芭蕉

謝顧存義貽畫竹

次李玉林韻

題呂氏滄浪亭

上徐相國

題天游畫

賀彥容弟得孫女

七言絕句

擬比紅兒賦解語花二首

詠玉繡毬花

題杜韋娘圖

次元翬春雪

附錄

栖碧處士壙誌銘

俞貞木

春草軒記

張翥

栖碧軒記

陳方

題貞固春草第二軒

劉衢

補遺目錄畢

栖碧先生黃楊集補遺

五言古詩

甲午春寓延陵送從弟侑赴京師

吾弟正年少。坎壈何相纏。省親適萬里。性命如
絲懸。福州遭艱虞。一月不得眠。委身事官長。奔
走草屨穿。勤勞達帥府。府主幸見憐。置之郎掾
間。玉樹臨清淵。指揮上京師。馳貢多錦韉。朝乘
驛樓騎。暮宿公家船。別我荒城隅。情親意何專。
念汝携幼弟。父母恩惓惓。家園苦零落。骨肉難

棄捐江鴈影聯度。原鵠勢相先。身衝北塞雪。夢
繞南閩煙。此行孝義激。豈爲功名牽。明明堯舜
君。廟堂俱大賢。秉心雪父耻。刻骨示神天。公程
慎勿違。客路加勉旃。酤酒不復醉。日暮徒留連。
寒梅未破蘂。春月當空圓。握手忍爲別。再會知
何年。物情戒失正。天理終好還。庭烏遂反哺。棣
萼增暉妍。

題陸某寄元翬詩畫

新詩遺明珠。清圖寫寒玉。二美從何來。天風墜

屋屋下有佳士。孤吟坐煩促。披圖誦新詩。條然坐巖谷。瞻彼江上雲。飄飄謝羈束。夕影弄明月。朝光泛晴旭。念茲塵埃客。可望那可逐。願將綠綺琴。同歌紫芝曲。

荅元翬夜坐見寄

遠客悲素秋。荒園坐清夜。仰看河漢傾。寒暑傷代謝。孤懷不成吟。煩襟自陶寫。浩歌涼露零。起舞月明下。吟成無所寄。寄向同心者。

和卜判官除草詩韻

邊塵暗城郭。大道多榛荆。使君坐高堂。政治公
生明。屏除姦與惡。始覺心和平。虛庭愛清曠。厭
見蔓草生。呼童盡芟薙。從渠蘭蕙榮。况敷甘棠
陰。百里覆簷楹。斯民喜安堵。感此愛物情。恩澤
布田野。處處添租丁。鼓舞老布衣。詠歌締詩盟。

次金別駕韻

世故忽云變。豈意身及之。出門復入門。大道登
欽巖。旌旗卷風雨。殺氣凌清夷。皇皇失歸途。遠
避東海陲。邑宰吾舊戚。留連琴水湄。論文向春

花酌酒刈夏葵。悵然念鄉故。撫景徒增悲。譬彼
諸草木。榮瘁各有時。善保伯牙琴。終當逢子期。
永言敦舊好。題詩寄相思。

十一元

立秋日啓文過訪

雷雨洗炎燄。江鄉迎早秋。白首尚爲客。凄然坐
我愁。美人期不來。哀吟如有求。吟罷復惆悵。獨
坐林塘幽。溪聲入戶響。開簾望維舟。飄飄衣冠
士。磊落神仙流。似非張憑舉。何殊王季醜。握手
喜傾倒。令我多病瘳。再拜延高堂。嘉論若爲傳。

重言苦相憶。魂夢長悠悠。一別已三月。逝景難
駐留。人生百年內。聚散如雲浮。且須共尊酒。歸
彼離別憂。况乃賢主人。義篤情綢繆。一簪復一
詠。殷勤相勸酬。客亦不我辭。盡飲醉即休。棲深
野色暝。天空霞彩收。浩歌登舟去。解衣眠柁樓。
遙憐獨醒處。月照荷花洲。題詩謝不敏。後會期
再謀。

次朱子新韻

避難言子城。潦倒無毀譽。翩翩佳公子。欣然而

相晤。遂結忘年交。惟恨來何暮。因謀歸田計。扁
舟復東去。回首望故鄉。黃塵渺何處。美人隔秋
水。文采珊瑚樹。馳情若東流。日夕猶能駐。憂來
誦君詩。豁爾滌煩慮。何時覩顏色。青天卷雲霧。

題秋溪釣隱圖

長林蔽秋日。飛雪捲秋旻。道人愛滄浪。爲結白
鷗鄰。渺渺泛舟楫。悠悠理絲綸。淡然適清興。豈
在鱸與蓴。偉哉桐江叟。千載高其人。笑彼桃源
圖。春花迷去津。

七言古詩

和曲林韻呈江掾

先生別去已旬日。風雨閉門愁思極。杖藜幾處
過城南。路滑泥深足無力。買舟又擬入東郭。水
漲官橋三四尺。臨風悵望情轉深。兩臂安能生
羽翼。只愁吳淞江水泛。萬頃膏腴魚鼈食。先生
錦城春可憐。醉歌談笑公侯前。笙簫羅綺紛神
仙。紫薇郎君清且賢。風流文采美少年。賦詩寫
畫秋毫顛。一時才傑誰齊肩。何時共載書畫船。

披開雲霧觀青天。

喜雨謠寄陶彥承

前年三冬雨不止。去年三冬井無水。今年春過
一月餘。昨夜雨聲纔入耳。信知好雨當時節。萬
物發生從此始。披衣起舞不復寐。坐待晨光動
書几。開門縱目覽山川。口不能吟心獨喜。膏腴
滿地沃焦枯。草木爭輝淨泥滓。黃金柳絲含綠
煙。白雪梅花亂紛委。汀草遙舒翡翠茵。海棠微
破胭脂藥。江頭細麥迷町疇。溪上野蔬高尺只。

眼前物色總生意。卒歲豐穰定堪擬。家家歡喜
理桑麻。處處謳歌勤耒耜。東山泥軟屐齒穩。南
浦沙明舟可舣。融融麗日照乾坤。四民樂業春
風裏。最是君家棠棣花。相承春暉萼韡韡。香芹
出水魚正肥。慈竹成林筍尤美。儒冠聯翩綵衣
舞。不出庭闈奉甘旨。閉門無吏索租錢。長日潛
心醉經史。天時人事兩相得。江南幾家能若是。
嗟我胡爲客異鄉。白髮滿頭空老矣。春帆高挂
賦歸歟。故園殷勤問桃李。願得時和歲屢豐。教

子躬耕樂生理。衰年無以報涓埃。努力租庸奉
天子。

和文壽看木香花有感

百舌無聲楚鳩老。餘花漫亂爭春好。江頭一夜
風雨寒。朱萼丹葩淨如掃。三分春色水流東。木
香一架開天風。翡翠褰帷玉爲幄。氣薰龍麝日
融融。芳蕤翦綴瓊瑤屑。柔條偃蹇虬龍結。石林
陰陰護碧雲。瑤草紛紛墜香雪。白玉洞爲君開。
夢魂不到黃金臺。興來呼酒對花飲。醉豪搦筆

書幽懷。歌詩看花時已晚。嘆息流光逝無返。何
如秉燭宴終宵。落景從渠墮西巘。

養竹軒歌爲周莊吳達子道賦

高軒公子良不俗。不種奇花種脩竹。奇花照眼
一時紅。脩竹虚心萬年綠。春雷擊地新筍生。龍
角森森那忍觸。自鋤暖土厚栽培。手挈銀瓶細
澆沃。深根掃除螻蟻窟。香葉終期鳳凰宿。日使
霑濡雨露恩。歲寒豈憚冰霜酷。猗猗繞戶矗琅
玕。含霧連煙比淇澳。招搖皓月金瑣碎。勾引清

風聲戛玉。炎天展簟臥蒼雪。春日聽鶯泛醺醖。
可能一日暫相忘。坐對此君看不足。君不見白
樂天重言養竹比養賢。又不見東坡詩無竹士
俗不可醫。君今有竹善培養。會看直拂青雲上。

茶蘼歌

丹葩醉染猩猩血。素萼便娟比霜雪。呈妖逞艷
豈足貴。含芳嗜潔誇清絕。茶蘼飽浥春雨膏。玲
瓏剪刻英瓊瑤。千金腦麝和淑質。萬箇玉蝶縈
柔條。坐看明月花梢上。便應題作清虛榜。醉眠

花底不須歸。狼籍苔茵空撫掌。先生愛花何太
濃。對花一飲揮千鍾。昔逢端伯稱韻友。我欲結
好慚衰容。莫教搖落西風後。賈島留題傳不朽。
憐君爲作荼蘼歌。多情又釀醪醪酒。

和文壽見寄

闔閭城東婁塘坳。難兄難弟聞二豪。兄操法律
好權勢。弟飽文學矜風騷。煙塵溷洞不得見。渴
心焦思神徒勞。與兄後會虞山下。西湖東海相
遊遨。知君屏迹金溪上。故家喬木依江臯。奇花

美竹自怡悅。舉世溷濁君清高。好山當戶積翡翠。春水繞門泛葡萄。虛堂絳帳設孔席。應對灑掃驅兒曹。絃歌雍容日以樂。割鷄便欲施牛刀。長材自是棟梁器。顧我不直來與蒿。時作蠅鳴蚯蚓竅。豈比獨鶴能清嘒。故山豺虎歸未得。眷茲樂土來奔逃。經綸事業非我用。詩禮之訓寧忘操。文場馳騁慚潦倒。短戈折槊聊戰磨。邇來解后喜莫逆。玉樹臨風識俊髦。明時搜賢網天下。肯容滄海神龍韜。雷雲變化等閒事。賈生不

日須逢遭。江鄉風俗尚淳古。男勤稼穡女蠶織。
最憐地僻車馬少。廻溪曲港皆乘舸。君住溪南
我溪北。一日不見心憂忒。願如雲龍兩相逐。安
得臂腋生羽毛。新詩絢爛驚老眼。長江巨壑翻
雲濤。

五言律詩

宿怡神道院

山房何閨寂。一榻可淹留。香繞池邊樹。燈明竹
外樓。道人終夜語。銷我百年憂。更覓神仙術。

期許漫遊

喜仲肅兄弟過訪

憶昨風塵際。愁傷骨肉心。清時重聚首。濁酒且
開襟。棣萼光還暎。鴿原誼更深。底須辭暮雨。相
與對牀吟。

宿洞虛宮童鍊師房

高士時相見。孤軒水竹清。積陰秋暑淨。倒景暮
霞明。坐語俱忘醉。行吟且放情。向來酬俗勅。隱
逸愧莊生。

六
至
正
庚
子
二
月
十
日
舟
中
作

至正庚子二月十日舟中作

寄迹如萍梗。漂流無定居。生涯付舟楫。隨意學
樵漁。溪雨琉璃滑。山晴翡翠虛。春帆任所往。不
必問吾廬。

五
寄
維
久
秀
才

寄維久秀才

祗爲索居久。遂令相見稀。知君讀書處。竟日掩
柴扉。夜雨添溪漲。晴雲隔岸飛。應同二三子。歌
詠舞春暉。

八
和
元
翬
韻

和元翬韻

知君爲客久。幾見草枯榮。兩鬢秋容老。孤吟夜
氣清。鄰鷄啼落月。城柝報殘更。應是相思切。題
詩寄遠情。

八
二

久雨

江雨灑還稀。江雲濕更低。不愁吳水濶。惟恨楚
山迷。野鶴思高舉。林烏慕穩棲。漸看晴景好。可
得溷塗泥。

十
二

荅陶景文

澤國多文采。風流獨數君。琴書元自樂。聲迹久

相聞。況是鵲鴻侶。寧同燕雀羣。野人搔白首。空
望碧霄雲。

七夕戲爲子平先生悼亡

織女度河秋。文園生暮愁。雙鴛初失偶。孤鳳若
爲儔。有藥誰能曬。看書子解收。無端虛幌月。空
照曝衣樓。

和雲林題畫

昔從九龍隱。來住百花莊。江上春樹碧。山中秋
草黃。放情揮翰墨。習靜愛林塘。莫道成樗散。終

期作棟梁

七言律詩

白牡丹

金縷杯承白玉盤。涓涓露出瑤壇微。風卷幔
霓裳舞皓月。窺闌雪初寒。嗜慾不從脂粉汚。惜
芳還許子孫看。沉香亭北繁華夢。妖血于今洗
未乾。

過毘陵東門寺敬公留飲填翠亭兼簡陶

師晉

四簷脩竹絕煙埃。滿地清陰覆綠苔。冉冉只疑
雲影去。蕭蕭却訝雨聲來。深林掃榻期餘暇。高
節題詩愧不才。驪馬在門城郭暮。直須邀月共
銜杯。

寓延陵辱陳廣文景鍾日相慰勞作詩以
謝

荒城爲客故人疎。賴爾論文得近居。每自藻芹
歸子佩。不辭風雨過吾廬。攜將華饌慚何限。酬
酢清詩喜有餘。却憶兵戈千里隔。相看白髮倍

相於

聞陶師晉過梅里亟歸相候仙舟已往興
寧以詩追之

勞君杖屨到柴扃。城郭歸遲少候迎。只訝子猷
初盡興。莫嗔安道不關情。酒杯已及三年別。懷
抱那能一語傾。野外自憐供給少。迴舟毋惜片
時程。

自延陵歸適馬跡山鈕彥功惠貺多品以
詩謝之

旅宿延陵故舊疎。歸來喜得萬金書。兵戈契濶
親逾密。筐篚交陳禮不虛。山茗久藏春雨後。園
梅新摘曉煙初。似聞鄰郭猶紛擾。何暇馳情念
索居。

過金園寺次丁彥誠韻簡茂上人楊文可
風塵久別恨悠悠。飄泊江湖一葉舟。野寺偶逢
煙雨暮。故園徒憶稻粱秋。關心爲問來何去。握
手相看喜復憂。賴有茂師能好客。茗甌棋局且
綢繆。

斑竹簾

湘妃淚灑碧琅玕。剪織疎簾拭未乾。細縷引風
宜隔暑。濕痕含雨欲生寒。燈前照耀琉璃潔。月
下爛斑玳瑁看。直榦盡輸兵革用。高堂舒卷莫
摧殘。

題梅莊圖

聞說幽棲甓社湖。只栽梅樹繞儲胥。枝橫暮雪
春回早。香滿寒庭月上初。五柳門前元亮宅。百
花潭北少陵居。歲寒心事清無比。寫入丹青意

有餘。

寄童煉師二首

憶別青元老。煉師秋風又是一年期。重城只比蓬萊隔。落月寧忘夢寐思。掃葉仙壇供白麝。茹芝丹室少人知。壺中固有長生術。鏡裏還添幾縷絲。

歸來無處覓安居。謾向東郊結草廬。日落帶煙鋤町疃。夜深聽雨隔蓬篠。未能種木長留客。頗愛移舟靜釣魚。八月秋高香稻熟。肯飛鳬鳥下。

村墟

寄題愛日軒

堂前蘭玉繞階除。堂上尊章樂有餘。自是曾參
能奉饌。最憐潘岳解扶輿。花溪地暖多生筍。蓮
沼波深足養魚。寸晷不違思定省。百年宜爾惜
居諸。

送陶元庸之越

江花白白柳青青。風送蘭舟五兩輕。刀筆去干
丞相府。經綸爲贊越王城。蘭亭日暖風流在。蓮

幕春閒夢寐清。佇聽鳴珂振閭里。倚門懷抱不勝情。

題謝氏友竹軒

脩竹千竿繞戶庭。主人爲結歲寒盟。春風對酒聽鶯語。夜月吹笙引鳳鳴。最愛虛心忘爾汝。相期秉節老平生。何當竟造琅玕下。嘯咏同分几席清。

題湖山小隱

愛汝湖山小隱居。地臨幽僻世情疎。湘簾春水

溶溶濶草閣。晴嵐冉冉虛。碧篠移來當戶種。黃
精覓去帶經鋤。何時共赴鷗波約。醉臥看雲醒
釣魚。

寄明長老東白

江南三月雨泔泔。花落花開總不禁。況是萬方
多難日。何堪獨客故鄉心。九龍峯下泉聲咽。陸
羽祠前草色深。苦憶山中舊尊宿。幾時携手一
登臨。

寄飛卿

獨羨城南張隱士。鬢髭如雪腹便便。青燈有子
能傳業。白日無人只醉眠。溪郭畬田多種秫。市
橋鮭菜少論錢。相思不得常相見。準擬歸來樂
暮年。

寄陶德和

昔謁行軒君未歸。虛勞枉駕事多非。燕鴻無意
偶相避。鷄黍有期寧敢違。江上浮雲晴漠漠。城
南流水路依依。興來便欲乘舟去。猶恐山陰書
掩扉。

寄季充姪

華氏儒風久蕭索。賴有汝輩張吾軍。匡衡苦心
不倦學。陸機自小能爲文。詠歌溪上共明月。倚
杖江邊愁暮雲。竹林之游遲亦得。少年冠蓋今
紛紛。

春雪和韻

寒雲結陰濕模糊。六花散漫飄虛無。誰披鶴氅
似仙子。獨擁貂裘惟老夫。鉤簾掃逕望溪棹。呵
筆賦詩呼硯爐。妖氛滌盡麗日出。鴛花爛漫歌

王都。

芭蕉

牕外芭蕉映碧油。翠綃成幄覆清幽。從添夜雨
瀟瀟響。可愛晴雲冉冉浮。學扇近人能却暑。題
詩留客不禁秋。高柯好護青青玉。要使相輝竹
外樓。

謝顧存義貽畫竹

郎官惜別意何殊。贈我湘江水墨圖。千畝篔簹
迷杳靄。一川煙雨濕模糊。毫端緬想情無極。座

右相看興不孤。莫訝行囊多卷束。此君一日可
能無。

次季玉林韻

玉林道士神仙客。海上相逢識姓名。酌酒賦詩
狂太白。呼羊起石老初平。身中玉髓千年換。鼎
內丹砂九轉成。願授長房縮地法。得從仙珮啓
玄情。

題呂氏滄浪亭

溪上幽居俯碧流。溶溶渾似泛虛舟。湘簾卷浪

邀明月。書幌褰雲瞰。白鷗漁父休歌水。清濁高人。不與世沉浮。都來只尺滄洲趣。涵泳乾坤萬里秋。

上徐相國

王師赫赫來江潮。十五降城總望風。海內已歸新聖主。幄中今見舊元戎。經綸大業千年事。竹帛高名一代功。佐理清朝均雨露。蒼生歌舞樂年豐。

題天游畫

老龍駢駢隱雲間。揮灑翰墨。心神閒移來子真。
谷口樹。寫出米家江山。峨峨翠巘。遠能致渺。
渺丹梯高可攀。白雲深處有仙子。爲求大藥駐
朱顏。

賀彥容弟得孫女

勝事從來不可期。華堂吉夢日相隨。兒初得子
春風夜。翁喜抱孫年少時。今日醉叨湯餅客。明
年重賦弄璋詩。吾宗積善由來遠。從此門楣須
爾爲。

七言絕句

擬比紅兒賦解語花二首

綽約柔情不自勝。翠圍紅繞幾層層。隔簾立盡
欄杆月。却訝真真喚卽應。

霧縠雲綃淡淡粧。微風吹散鬱金香。臨風一片
傷春意。欲向何人訴斷腸。

詠玉繡毬花

江南春雪作團飛。飛入園林僅尺圍。玉女夜寒
眠不得。一簾香露絡珠璣。

題杜韋娘圖

霞佩飄飄金縷香。緩歌白雪韻悠揚。華堂舊日
風光在。見慣司空亦斷腸。

次元暈春雪

光涵翠箔淨氛埃。寒隔珠簾曉未開。喚起阿環
春睡覺。笑呵纖手近粧臺。

栖碧先生黃楊集補遺

畢

黃楊集附錄

栖碧處士壙誌銘

俞貞木

處士姓華氏諱勿武字彥清號栖碧世爲常之
無錫人曾祖考諱友聞元仕無錫州稅務提領
祖考諱璞潛德弗仕考諱鉉元仕都功德使司
都事妣陳氏寡居三十餘年有司以貞節上聞
表其門曰貞節里曰旌節處士性溫厚而孝自
六歲喪其父事母甚共謹幼時常戲于庭聞母
語及平生事乃竊聽之遂捐所戲而號慟母遽

引入問之。具言所聞痛切。於是母亦爲之泣下。家人嗟異之。旣長。奉其祖篤孝敬。祖亦鍾愛之。每與人言。必指之曰。他日繼我者。在此孫也。及祖卒。承重哀痛如禮。事其仲父如父。因顏其堂曰順德。一門共爨。怡怡如也。仲父旣歿。羣從昆弟。欲析產異居。處士聞而嘆曰。何苦若是。吾豈較乎。且財有盡。而義無窮。吾惟長者之命。是聽。其昆季或有所爭。皆弗與競。每作詩遺之。使之自愧。終弗辯也。訓子孫必稱祖德。凡所經營。一

遵祖訓。嫁女則手書女誡以授之。使執婦道。母年逾六旬。因病喪明。處士傾貲修藥。不能愈。日增憂苦。母曰。吾老矣。當自遣。無足憂也。於是常召親姻。與其母敬愛者。歡會無虛日。惟冀母之忘其疾苦耳。歲癸巳。家燬於火。處士適在郭。聞之。亟問母安否。卽馳騎歸。見母無恙。心始釋然。他不問也。其後仍構貞節堂。春草軒。以奉養。時母年已七十矣。力可以娛其親者。無不爲之。尤篤於尊賢親友。侍講黃文獻公晉卿。承旨張潞。

公仲舉尚書干公壽道翰林段公吉父李公一
初著作李公季和遂昌鄭明德京口陳子貞吳
郡陳子平方外張伯雨皆忘年折節與交處士
皆以嚴事之故其上世墓碣銘文及貞節堂春
草軒皆樂爲之紀述而詠歌也所以處士之學
日益進名聲籍籍諸公間宗師咸推仰之其家
居愷悌下至臧獲亦罕逢其怒能者任之拙者
矜之未嘗顯言其過使之懷愧耻也見寒餒無
依者輒戚戚然識與不識必思濟之於宗姻故

舊歲時贈遺有常。凡有寄託於處士者。終身不渝也。性不嗜酒而喜待賓。雖稠人廣席。必酬酢盡歡而後已。朋游或有援之仕者。力辭不就。母亦以都事君出而嬰疾。每不喜遠游。况嗣續之重。在處士一身。一則承順親志。二則其天性好澹。亦不汲汲進取。晚年辟地姑蘓。客居旅邸。於賙恤亦隨力施之不倦。嘗語諸子曰。我見義不爲。則心不遑安。又曰。我過艱險。初無所思。一聽於天。幸亦無甚患也。其心志槩可見矣。雅好吟

咏自壯至老不衰。寒暑憂樂不廢。有黃楊集若干卷藏于家。生大德丁未十月六日卒。洪武乙卯正月十八日。年六十九。以二月二十日葬梅里鄉羅村之原。其自卜也。娶鄒氏先四十年卒。繼顧氏。肅恭閨闈。勤儉克家。賢而能相其夫。奉姑孝順。子男七人。完韓、棕韓、恭韓、同韓、隆韓、恒文、韓。惟恭韓蚤卒。恒文繼徐氏女五人。如貞壻錢明、善松、貞壻陶宗毅、桐貞早卒。守貞壻楊儵。原貞壻徐翼。孫男十五人。女七人。曾孫男女若

千人嗚呼處士之先世。貴雄于鄉。或仕或隱。積
善好施。殆非一人。至處士讀書好禮。謙退若儒
生。蓋不以富而驕逸也。孝義之行。人所共推。雖
其才不見於用。而卒能保身令終足矣。況有子
孫繼述哉。後若干年。完韓奉其執友教諭呂君
志學之狀。來徵誌石。乃叙而銘之。銘曰。嗟君乳
乳蚤失怙。鞠育撫養。賴賢母。詩禮教誡。敬遵祖
迨夫成人。友是輔。博學善藏。類良賈。澹然冲襟。
倦進取。吟哦詩章。窮纂組。宮商相宣。見辭吐。厥

德允修蹈規矩。不奢不驕。人莫遷孝義之行。若陽煦。壽考以終。在衡宇。子克承家有餘祐。羅村之原曰堅土。深藏固密。永終古。

春草軒記

張翥

華爲毘陵望族。都事君子舉。初以材薦。得宿衛武宗朝。勤敏靖共。著稱環列。一命爲都功德使司都事。居無何。告病南歸。歸五月而卒。年二十有六。夫人陳長君二歲而寡。一子幼武六歲。二女復幼。迺自誓不再適。屏膏沐。躬饋祀。其事舅

姑。盡敬養之孝。其待姻族。盡惇睦之愛。其治家
業。盡艱難之勞。使都事君之緒。有引無替。而是
藐諸孤。教撫成立。爲賢子。子復四孫。皆嶄嶄知
讀書。歲時奉觴前爲壽。夫人神清氣強。宴怡以
樂。州里父老。相與歎美。爲狀其實。有司以聞。後
至正二年。中書表其門曰。貞節里。曰。旌節。嗚呼。
天。於貞賢之報。信必至此。而後申之也。惟幼武
每痛先人之蚤世。其嗣續幾絕。微夫人將無以
至於今休。迺構堂曰。貞節。軒曰。春草堂。則夫人

居之。軒則切武奉親之所周旋也。於是翰林黃公晉卿爲銘于堂。顧謂是軒不可以無紀。來請余文。余觀夫天地之間。茫然而生。廕然而滋者。唯草爲多。而爲物固微也。方其土膏脉發。勾折萌達。孰非春陽之所有。暉光之所被。而一寸之心。亦得夫天地之心以生。則是草宜亦有報春暉之心矣。彼葵藿之傾太陽。君子謂其向之者誠。而況人乎。況於孝子慈孫乎。昔孟東野餐興於慈母之線。游于之衣。而致意於難將寸草心。

報得三春暉之語。深得古風人之旨。讀是詩者。孝感之心。蓋油然而生矣。然以規游子可也。今幼武家居。奉母雍容軒中。而猶有取於此。則其報親之心。無窮期也。無窮期也。心果止是乎哉。必也孝子潔白如雅之白華。使其身立其名揚。其親顯。所以期於子者。又在乎此。不既重且遠歟。幼武起謝曰。然。遂爲之書。

栖碧軒記

陳方

浙西之地。水多山少。常於浙西數郡之間。而山

尤少。自晉陵竝西而南。蜿蜒靡迤。或起或止。至無錫而山之最著者。惠山也。然無重巒疊嶂之紆互。深溪巨壑之險阻。峯然起於平地。如奔鯨逸馬。不可羈而留也。餘則散於四封之中。瓜蔓相接。大率隱隱皆培塿。形孤勢薄。它郡之山。可孩而撫之。又自惠山之東。沃壤夷衍。相去三十里而遠。其山之匹於惠者。曰。堠山。亦無曲折之羨。崢嶸之雄。直望之而可喜耳。距兩山之所向。其地曰。梅里。意唐李紳之居於是。今華君彥清。

家焉。始余之未識彥清也。有人持其栖碧軒詩。一大軸。從余觀之。余見其所圖之。水木清美也。喜曰。無錫之山有是哉。余昔過其境而見者甚少。而淺近。未有如圖之清美者也。近年余爲其家童子師。由是問所謂栖碧者。然後惟其所居之平且曠也。何取於李白問余栖碧山之詩。彥清謂余曰。古之高人逸士。野居而澗處者。未必皆山也。使可耕之地。可安之廬。長林美竹。雜花豐草。而得與世相忘足矣。奚俟夫山之深且秀。

哉。夫栖於山者。又未必皆知山之爲可樂。如知山之可樂。則居雖無山。常若居於山也。況吾居之西。則惠山界其右。東則堠山峙其左。雲霧朝夕之變態。風雨晦暝之異狀。未嘗不接於吾目也。夫於山之尤少之地。而有以映帶於戶限之前。則栖碧之名不爲虛也。然則在山者不見山。惟置身於其外者能見之。若栖碧者其能見於山之外者歟。余知彥清之志者也。聞其言而是之。彥清因請余記。於是乎書。彥清名幼武。孝謹。

而和易雅好文章與余友後至元二年十月一日記

題貞固春草第二軒

劉 衢

余客錫山。過華公愷登其草堂。乃先君栖碧先生舊有軒曰春草。今公愷雖抱夙疾而能不忘先世。昆季以次序而續之。公愷得第二焉。於是出示先生所著黃楊集句法。如長江大河。瀚漫周浹。非鏤冰斫雪之可比。公愷將鉸鐸以傳。可謂孝矣。

森森喬木蔭衡門。堂下椿萱生暖雲。愧我無從
追薄養。羨君有義荅。深恩巢烏哺。母猶思報人。
子忘親。奚足論。想見君家多積德。致能流澤到
兒孫。